



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manna Animæ Sev Exercitium Facile Simul Et Fructuosum Illis, Qui Quoquo Modo Vacare Orationi Desiderant

Segneri, Paolo

Dilingæ, 1699

X. Omne quod natum est ex Deo, vincit mundum, & hæc est victoria, quæ
vincit mundum, fides nostra. 1. Joh. 5. v. 4.

[urn:nbn:de:hbz:466:1-48281](https://nbn-resolving.org/urn:nbn:de:hbz:466:1-48281)

X.

Omne quod natum est ex DEO, vincit mundum, & haec est victoria, qua vincit mundum, fides nostra. 1. Jo. 5. v. 4.

Considera, cum hic dicit Aposto-
lus: *Omne, quod natum est ex*
DEO, vincit mundum, per omne non
intelligi omnem hominem fidelem,
sed unum genus hominum. non ait:
Omnis, qui natus est ex DEO: hoc
enim verum non esset. Infantes, ubi
acceperunt Baptismum, jam sunt DEI
filij, ut si moriantur, quamprimum
etiam ipsi ad Caelum tendant fructuri
haec deare filijs debita, & hi tamen
non vincunt mundum, imò nec ad
eum vincendum in hoc statu sunt ido-
nei, quia nondum apti ad pugnandum.
Idcirco non dicit Apostolus: *Omnis,*
qui natus est ex DEO, non peccat, sicut
alibi duobus in locis dicit: *Omnis,*
qui natus est ex DEO, non peccat, sed
dicit *Omne,* quia hoc patet esse verissi-
mum. Vide quodcunque genus ho-
minum etiam vilissimorum, aptum id
est ad vincendum mundum: & verò
etiam vincit. Sacerdotes, Laici,
Literati, Indocti, Principes, Plebei,
Bobulci, Servi, Milites, Aulici,
Virgines, Viduae, Maritati, numquid
omnes hi vincunt? non vincunt om-
nes significatim, seu individua, quae in his
generibus continentur, *Omnes homines*
horum generum, sed vincunt omnia ge-
nera, in quibus ista individua conti-
nentur: *Omne genus horum omnium,*
quia non est ulla hominum conditio,
in qua non numerentur etiam sancti,

qui gloriosè mundum subegerint, &
conculcaverint. Quae igitur excusatio
tua esse potest, si sanctus non fias? an
statu tuo culpam tribues? tibi ipsi tri-
bue, voluit Dominus, ut Noè immen-
so labore colligeret in Arcâ omne ge-
nus animalium, quamvis plura unius
quam alterius generis, ad denotandû,
nullum hominum genus excludi à sa-
lute, quamvis non omnia aequali nu-
mero illam consequantur.

2. Considera, quae sit causa, cur
omne genus hominum Christianorum
vicerit mundum, & etiamnum vincat
maximâ gloriâ. Causa est, quia id,
quod vincit mundum, commune est
omnibus, nempe Fides. *Et haec est*
victoria, qua vincit mundum, fides no-
stra. Particula *Et* aequivaleret hoc loco
voci *quia,* prout contingit in alijs
scripturae locis passim occurrentibus.
ceu dicat: *Omne genus hominum, quod*
natum est ex DEO, vincit mundum,
quia haec est victoria, qua vincit mundum,
Fides nostra. Id quod vincit mundum,
non est sexus, non indoles, non prop-
ensio naturae, non doctrina, non ani-
mus, non intellectus, sed fides, quâ ar-
mari quisque potest. hac fide deinde
vincunt mundum fideles duplici rati-
one. Vincunt aliqui subjiciendo:
Conculca anima mea robustos. Jud. 5. v.
21. & ad hanc victoriam tenentur om-
nes, quia omnes debent mundum
habere

habere subditum honori Divino. quicumque sic cursus rerum, cum agitur de offensâ DEI, non est curandus etiâ mundus universus, sed illico terendus pedibus. Alij vincunt relinquendo, ut Dominum sequantur, qui illos vocat ad altius vitæ genus. *Sustollam te super altitudines terra.* Il. 58. v. 14. & ad hanc victoriam non omnes obligantur, quia hæc est perfectiorum, atque adeo non victoria tantum, sed etiam triumphus. quo modo tu vincis? faxit DEUS, ut non potius ab illo crebro & turpiter te vinci patiaris.

3. Considera, quid sit iste mundus, quem tot vincunt fidei virtute. Est cumulus trium illorum infamium malorum, quæ tantopere hominum cordibus dominantur, amor scilicet voluptatis, amor pecuniæ, amor falsi honoris. *Omne quod est in mundo, concupiscentia carnis est, & concupiscentia oculorum, & superbia vitæ.* 1. Jo. 2. v. 16. qui vincit triplicem hunc amorem, jam vicit mundum, hos autem vincit fides. Vide, quomodo in quocunque genere hominum Christianorum reperite sit innumeros, qui de his rerulerunt victorias non modò eximias, sed prodigiosas. quis status longius abesse creditur à victoria voluptatis, quàm conjugalis: & tamen etiam in isto reperuntur multi, qui puritate Angelos superârunt. quia Angeli *neque nubunt, neque nubuntur.* Matt. 22. v. 30. Isti nupservunt, & tamen Angeli extiterunt. quis status longius abest à victoria amoris pecuniæ quàm ille divitum? & tamen inter divites, quod vaticinatus

est Isaias, inventi sunt, qui videntur instar mendicorum. *Leo quasi medet paleas.* Isa. 11. v. 7. non augeant, quod avari faciunt. sed piofius profundant. Quis status longius abest à vincenda superbia quàm ille litteratorum. & tamen illo litteratorum fuerunt plures positi super candelabrum inde ceciderunt, & se ipsos abscondunt in modio. Id verò quomodo efficitur vi fidei. fides docet bona, queritur, non esse vera bona, vera esse non videntur: *quæ enim videntur temporalia sunt, quæ non videntur eterna.* & sic illi contemptis hiis, videntur, ad illa anhelant, quæ videntur, & per hoc vicerunt concupiscentias, quæ sunt bonis sensibus subjectorum. Vincere concupis? hoc age, fide te arma. *Fortis in fide.* 2. Pet. 5. v. 9. Alio facile erit, ut tu potius ab illis vincas. Iste sunt tres lanceæ, quibus intus Joab cor trajicit incauto curru deloni, ut eum interficiat. si ab hoste te velis. semper incede armatus, unquam depone loriam, quam habes fidem. *Induit loriam fides.* 1. Th. 5. v. 8.

4. Considera non quancumque dem sufficere reportandæ victoriæ, quâ Apostolus loquitur, sed quæ erat fides ipsius, *fides nostra,* hoc est fides vera, & viva. Omnes hæc fidem jactant, sed qualis illa est? fides est, quæ infidelitatem non tædet, sed tegit, & ideo non est vera. certe hæc fides non vincit. super

vide rantisper, quos de perfido mundo triumphos haretis reportaverit. nullum omnino. imò semper ipsa fuit triumphata. quippe, si ritè obliques, non est ulla haretis, quæ non sit genita ab uno hujus triplicis amoris, quandoque ab omnibus, tanquam purus penitus monstrosus. Talis erat hæc seculis illa Henrici VIII. Regis Angliæ, in quo simul jungebantur ad expugnandum cor Regium Concupiscentia carnis per nuptias incestuosas, quas non dubitavit solenni ritu celebrare cum illa sua Amasia. Concupiscentia oculorum, per spoliationem Abbatarum, templorum, monasteriorum, sacrorum Altarium. Superbia vix per prerogativam, quam sibi arrogabat in Vaticanum. & de tali fide dici possit, quòd vincat mundum? vincere illum nequit, quia vera non est. *Hæc est victoria, quæ vincit mundum, fides nostra.* Sed etiam hæc ipsa nostra, licet vera, non poterit illum vincere, nisi etiam sit viva, hoc est, operans. talis autem esse nequit sine spe, & charitate. hic enim est ordo. Fides facit, ut cognoscamus solum DEUM esse bonum nostrum. Spes facit, ut etiam ad illud assurgamus; Charitas, ut adhareamus. & cum aliquis vero suo bono adhæret, quomodo fieri potest, ut adhuc curet falsum? Necessè igitur est tres istas virtutes concurrere ad victoriam de tribus supra memoratis amoribus referendam. ista verò nihilominus fidei

tribuitur; *Hæc est victoria, quæ vincit mundum, fides nostra,* quia ipsa dux est, quæ trahit ceteras, ut signa sua sequantur. Fides Spem generat, Spes Charitatem gignit. *Abraham genuit Isaac: Isaac autem genuit Jacob.* Mat. 1. Abraham typus erat Fidei, Isaac Spei, quis ignorat? & ira Jacob pariter Charitatis, tanquam is, qui fortis exiit ad luctandum cum Domino, & prævalendum, tam arctè illi uniebat. Ita est, Jacob deinde fuit, qui ceteros gigneret minores Patriarchas tanto numero, quemadmodum Charitas ceteras producit virtutes, Theologicis inferiores. omnes tamen istæ præcipuè tribuuntur Fidei, uti Abrahamo omnes illi Patriarchæ, quamvis essent progenies ipsius Jacob. & sic *Pater multitudinis* non vocatus est Jacob sed Abraham. Cogita proinde à Fide pariter derivandis omne genus virtutum tam superioris ordinis quàm inferioris. & ideo sine ista altis in corde tuo agere radices, quia Fides Spem dabit, Spes Charitatem, Charitas ceteras, quas desiderare possis, virtutes. hoc verò instructus exercitu quid times? quis dubitet te fore totius mundi victorem? & sic in hoc quoque sensu verissimum est: *Omne, quod natum est ex DEO, vincit mundum:* quia omnis virtus Christiana, si bene ponderes, vincit mundum; & tamen *hæc est victoria, quæ vincit mundum, fides nostra,* quia victoria præcipuè adscribitur Fidei.